

Na osnovu Sporazuma sa Gradom Tuzla o međusobnoj saradnji na organizaciji i realizaciji manifestacije „Zima u Tuzli“ 2023/2024, broj: 04-580/23 od 30.10.2023. godine, Sporazuma sa Udruženjem obrtnika grada Tuzla o realizaciji projekta promocije, podrške i pomoći sektoru poduzetništva i obrta na teritoriji grada Tuzle, broj: 04-581/23 od 30.10.2023. godine, člana 19. stav (1) tačke c) i d) Zakona o turističkim zajednicama („Službene novine Tuzlanskog kantona“ broj: 11/15 i 14/16), člana 3. i 7. Statuta Turističke zajednice grada Tuzle („Službeni glasnik Grada Tuzla“ broj: 11/17 i 4/22 i 8/23), odredbi Pravilnika o organizaciji i realizaciji manifestacije „Zima u Tuzli“, broj: 02-304-1/21 i 02-493-1/22 i 02-582-1/23 i Odluke o raspisivanju Javnog poziva broj: 04-582-4/23 od 30.10.2023.godine, Turistički ured Turističke zajednice grada Tuzle, dana 01.11.2023. godine (srijeda), objavljuje:

JAVNI POZIV

za dodjelu na korištenje mobilnih kućica u periodu od 15.12.2023. godine do 07.01.2024. godine, u svrhu podrške i pomoći sektoru poduzetništva i obrta

I Predmet Javnog poziva

Ovim Javnim pozivom prikupljaju se prijave registrovanih samostalnih djelatnosti (u osnovnom zanimanju iz oblasti ugostiteljstva) za učešće u manifestaciji „Zima u Tuzli 2023/2024“ (u daljem tekstu: manifestacija).

II Subjekti koji se mogu prijaviti na Javni poziv

Pravo podnošenja prijave za korištenje mobilnih kućica u periodu od 15.12.2023. do 07.01.2024. godine imaju:

- a) fizička lica koja obavljaju samostalnu djelatnost (ugostiteljska djelatnost), registrovana kod nadležnog organa za registraciju djelatnosti na području Bosne i Hercegovine;
- b) privredna društva (d.o.o.) registrovana na području Bosne i Hercegovine za obavljanje djelatnosti ugostiteljstva kod nadležnog općinskog suda pri odjeljenju registra za upis pravnih lica i
- c) javna preduzeća koja su registrovana i za djelatnost ugostiteljstva (d.o.o.), a čiji je osnivač ili suosnivač Grad Tuzla.

III Lokacija i radno vrijeme kućica

Lokacija na kojoj će biti postavljene kućice je Trg Slobode u Tuzli.

Radno vrijeme kućica je od 09.00 do 23.00, uz obavezu da kućice **moraju** biti otvorene i na raspolaganju posjetiocima manifestacije svakog dana u periodu **od 10.30 do 15.00 i od 18.00 do 23.00 sati**, osim u okolnostima više sile¹ koja bi spriječila rad istih.

Ugovorom o učešću u manifestaciji će biti propisane sankcije za korisnike koji se ne budu pridržavali propisanog radnog vremena, kao i drugih pravila korištenja mobilnih kućica.

Korisnicima kućica je dozvoljen rad i u toku cijelog radnog vremena (09.00-23.00 sati) ukoliko su u mogućnosti da organiziraju nesmetan rad istih.

¹ Prirodne pojave u vidu elementarnih nepogoda, požara, štrajkova i demonstracija, zabrana kretanja i javnog okupljanja i drugih sličnih restriktivnih mjera.

IV Iznos sufinansiranja učešća u organizaciji i realizaciji manifestacije

Ukupne troškove korištenja kućica u periodu navedenom u članu II Javnog poziva zajednički snose odabrani korisnici i Turistička zajednica grada Tuzle sa Gradom Tuzla, u odnosu na ukupne troškove korištenja kućica koji podrazumijevaju: zakup javne površine, komunalne priključke, električnu energiju, usluge agencije za zaštitu ljudi i imovine, pregled i ispitivanje električnih instalacija, održavanje kućica i pripadajućih instalacija, obezbjeđenje sanitarnih jedinica (mobilnih WC-a), odvoz smeća, elaborat zaštite od požara i praktična obuka za rukovanje protupožarnim aparatom za odabrane korisnike kućica, obezbjeđenje muzičko-zabavnog programa i svi ostali troškovi nastali u vezi sa pripremom i korištenjem mobilnih kućica.

Iznos sufinansiranja učešća u manifestaciji „Zima u Tuzli“ 2023/2024 će biti utvrđen posebnom Odlukom Turističkog ureda na osnovu projekcije ukupnih troškova iz prethodnog stava.

Odluka Turističkog ureda sa navednim iznosom sufinansiranja korištenja mobilnih kućica u toku cijelog trajanja manifestacije će biti objavljena na internet stranici TZ grada Tuzle: <https://tztz.ba/ba/javni-pozivi/> istodobno sa objavom ovog Javnog poziva.

V Kriteriji za odabir korisnika mobilnih kućica

Komisija za provedbu Javnog poziva vrednuje prijave prema kriterijima sa pripadajućim brojem bodova, kako slijedi:

Kriterij		Bodovi	Max. broj bodova	
1	Prijavitelj je bio korisnik kućice u Tuzli u 2021. i/ili 2022. godini i sve obaveze prema TZ grada Tuzle je izmirio blagovremeno, te poštivao Pravila korištenja kućica	Da	10	10
		Ne	0	
2	Vlasnik/odgovorna osoba prijavitelja je žena	Da	1	1
		Ne	0	
3	Vlasnik/odgovorna osoba prijavitelja je mlada osoba ²	Da	1	1
		Ne	0	
4	Vlasnik/odgovorna osoba prijavitelja je osoba sa invaliditetom ³	Da	1	1
		Ne	0	
5	Broj zaposlenih u momentu apliciranja ⁴	1-3	1	5
		4-8	3	
		>8	5	
6	Prijavitelj obavlja registrovanu djelatnost duže od godinu dana u odnosu na datum objave Javnog poziva	Da	2	2
		Ne	0	
7	Izmirene obaveze na ime članskog doprinosa turističkoj zajednici u tekućoj godini, zaključno sa mjesecom koji prethodi mjesecu u kojem je Javni poziv objavljen	Da	5	5
		Ne	0	

Sve kvalifikovane prijave će biti bodovane u skladu sa gore navedenim kriterijima i Komisija iz člana VIII ovog Javnog poziva će na osnovu osvojenih bodova sačiniti Listu krajnjih korisnika.

² Mlada osoba u smislu ovog Javnog poziva se smatra osobom koja je mlađa od 35 godina.

³ Osoba sa invaliditetom u smislu ovog Javnog poziva se smatra osobom koja ima 60% i više invaliditeta.

⁴ U slučaju da se prijavljuje d.o.o. koji pored ugostiteljstva ima i druge djelatnosti kojima se bavi, ovdje se navodi samo broj zaposlenih koji rade u ugostiteljstvu. Ukoliko Prijavitelj ima organizacione/radne jedinice izvan teritorija grada Tuzle, zaposleni u tim organizacionim/radnim jedinicama ne ulaze u ukupni broj zaposlenih u ugostiteljstvu za potrebe ovog Javnog poziva.

Prijavitelji na Javni poziv **moгу podnijeti samo jednu prijavu** i mogu **ostvariti pravo na dodjelu samo jedne kućice**.

Izuzetno, prijavitelj **može** u Obrascu za prijavu na Javni poziv (*Obrazac 1*) iz člana VII Javnog poziva, **tražiti dodjelu više od jedne kućice**. U tom slučaju, kućice će se ovom prijavitelju dodijeliti ukoliko za to budu postojali uslovi koji se odnose na raspoloživi broj kućica koji preostane nakon ocjenjivanja svih pristiglih i prihvatljivih prijava, u skladu sa odredbama Pravilnika o organizaciji i realizaciji manifestacije „Zima u Tuzli“ i uslovima ovog Javnog poziva.

O dodjeli dodatnih kućica prijaviteljima iz prethodnog stava ovog člana Javnog poziva odlučuje Komisija iz člana VIII Javnog poziva, vodeći računa da se dodjela kućica najprije izvrši prihvatljivim prijaviteljima u skladu sa stavom (3) ovog člana Javnog poziva, a nakon toga pravo na dodjelu dodatnih kućica imaju prijavitelji iz stava (4) ovog člana Javnog poziva na način da se dodjela vrši prema kriterijima iz člana V Javnog poziva.

VI Ko ne može učestvovati na ovom Javnom pozivu

Na ovaj Javni poziv **ne mogu** se prijaviti fizička i pravna lica bez registrovane djelatnosti u oblasti ugostiteljstva kao ni subjekti koji imaju status javne ustanove, organizacije civilnog društva i druga pravna lica koja po ovom Javnom pozivu nisu prihvatljivi prijavitelji.

VII Način prijavljivanja

Prijave na ovaj Javni poziv podnose se na prijavnom obrascu (*Obrazac 1*) koji se može preuzeti na internet stranici <https://tztz.ba/ba/javni-pozivi/>

Prijavni obrazac se popunjava elektronski (na računaru) i ne može se popunjavati ručno!

Uz elektronski popunjen prijavni obrazac (*Obrazac 1*), prijavitelj je dužan dostaviti sljedeću dokumentaciju:

- Rješenje o registraciji fizičkog lica koje obavlja samostalnu djelatnost (ugostiteljska djelatnost) registrovana kod nadležnog organa za registraciju djelatnosti na području Bosne i Hercegovine (fotokopija rješenja nadležnog organa);
- Rješenje o registraciji i Rješenje o izmjenama/dopunama ukoliko su vršene (za d.o.o. koji se prijavljuju) nadležnog općinskog suda (odjeljenje registra za upis pravnih lica) – (fotokopija);
- Uvjerenje o registraciji poreznog obveznika (fotokopija) i Uvjerenje o registraciji/upisu u Jedinstveni registar obveznika indirektnih poreza (fotokopija);
- Uvjerenje o izmirenim obavezama prema javnim prihodima, ne starije od 30 dana od dana objavljivanja Javnog poziva (original ili ovjerena fotokopija nadležne Porezne uprave);
- Potvrda/Uvjerenje o izmirenim obavezama po osnovu indirektnih poreza (za d.o.o. koji se prijavljuju i koji su upisani u Jedinstveni registar obveznika indirektnih poreza) ne starije od 30 dana od dana objavljivanja Javnog poziva (original ili ovjerena fotokopija nadležne Uprave za indirektno oporezivanje) ;
- Obrazac 2001 – Specifikacija za isplatu plaća zaposlenika u radnom odnosu kod pravnih i fizičkih lica, za prethodna tri mjeseca od mjeseca u kojem je Javni poziv objavljen, ovjeren pečatom nadležne Porezne uprave u gornjem desnom uglu ili DLN kodom u gornjem desnom uglu (fotokopija);

- Obrazac 2002 - Specifikacija uz uplatu doprinosa poduzetnika sa prebivalištem u Federaciji BiH, za prethodna tri mjeseca od mjeseca u kojem je Javni poziv objavljen, ovjeren pečatom nadležne Porezne uprave ili DLN kodom u gornjem desnom uglu (fotokopija),
- Fotokopija lične karte vlasnika/odgovornog lica u privrednom društvu iz člana II tačka b) ovog Javnog poziva;
- Potpisana Izjava o prihvatanju Pravila korištenja kućica (sastavni dio Pravila o korištenju mobilnih kućica);
- Dokumentacija kojom se potvrđuje da je vlasnik/odgovorna osoba u privrednom društvu osoba sa invaliditetom (*ukoliko je navedeno u Obrascu 1*) – (fotokopija);
- Izjava odgovornog lica prijavitelja o izmirenim obavezama na ime članskog doprinosa turističkoj zajednici, za prijavitelje koji su obveznici plaćanja na području grada Tuzle (izjava mora biti ovjerena od strane notara ili drugog nadležnog organa)⁵.

Napomena: Prijavitelji nisu u obavezi dostaviti dokaz/uplatnice o izmirenim obavezama na ime članskog doprinosa turističkoj zajednici, ali su obavezni u svom knjigovodstvu izvršiti uvid u stepen izmirenja obaveza, te iste izmiriti ukoliko postoji dugovanje, jer će u postupku ocjene zaprimljenih prijava, Turistička zajednica grada Tuzle provjeriti u Turističkoj zajednici Tuzlanskog kantona stepen izmirenja obaveza za svakog prijavitelja i sukladno tome ocijeniti prijavu. Obrazac obračuna i uplate članskog doprinosa turističkoj zajednici dostupan na: <https://tourism-tk.ba/wp-content/uploads/2019/12/Obrazac-obra%C4%8Duna-i-uplate-%C4%8Dlanskog-doprinosaturisti%C4%8Dkoj-zajednici.docx>

VIII Provođenje Javnog poziva

Postupak po Javnom pozivu provodi Komisija koju imenuje Turističko vijeće, a koja ima predsjednika i 2 člana, na način da u Komisiji budu dva (2) člana Turističke zajednice grada Tuzle i jedan (1) član Udruženja obrtnika grada Tuzle.

Za svaki od kriterija pojedinačno, Komisija dodjeljuje usaglašen broj bodova, a ukupan broj po Prijavnom obrascu predstavlja zbir svih dodijeljenih bodova u Obrascu za ocjenjivanje (*Obrazac 2*).

Po okončanju postupka ocjenjivanja, Komisija je dužna na osnovu obrazaca za ocjenjivanje sačiniti Zapisnik i Listu krajnjih korisnika po broju osvojenih bodova najkasnije 5 (pet) radnih dana nakon zatvaranja Javnog poziva, te istu uputiti Turističkom vijeću Turističke zajednice grada Tuzle na konačno usvajanje i donošenje Odluke o dodjeli na korištenje mobilnih kućica.

Po donošenju Odluke iz prethodnog stava ovog člana Javnog poziva, Turistički ured Turističke zajednice grada Tuzle će sa krajnjim korisnicima zaključiti ugovore o učešću u manifestaciji „Zima u Tuzli“ 2023/2024, kojima će biti utvrđena međusobna prava i obaveze između korisnika mobilnih kućica i Turističke zajednice grada Tuzle.

Odluka o dodjeli na korištenje mobilnih kućica biće objavljena na internet stranici Turističke zajednice grada Tuzle <https://tztz.ba/ba/javni-pozivi/>.

⁵ Prijavitelji koji nisu obveznici uplate članskog doprinosa prema Zakonu o turističkim zajednicama (“Službene novine Tuzlanskog kantona”, broj: 11/15 i 14/16), nisu obavezni dostaviti Izjavu o izmirenim obavezama na ime članskog doprinosa turističkoj zajednici.

Napomena: Odabrani korisnici mobilnih kućica stiču pravo korištenja istih nakon potpisivanja ugovora o učešću u manifestaciji „Zima u Tuzli“ 2023/2024 i izmirenja obaveza koje se odnose na uplatu Turističkoj zajednici grada Tuzle pripadajućeg dijela ukupnih troškova korištenja mobilnih kućica iz člana IV ovog Javnog poziva (iznos sufinansiranja utvrđen Odlukom iz člana IV Javnog poziva).

Uplate se vrše isključivo putem transakcijskih računa odabranog fizičkog/pravnog lica (korisnika kućice), a iste se vrše na transakcijski račun Turističke zajednice grada Tuzle, broj: 1321002019638851, otvoren kod NLB banke u Tuzli, sa svrhom doznake: *Uplata po Ugovoru o učešću u manifestaciji „Zima u Tuzli“ 2023/2024* (navesti broj Ugovora).

IX Trajanje Javnog poziva i rok za podnošenje prijava

Javni poziv ostaje **otvoren 10 radnih dana** od dana objavljivanja Javnog poziva, odnosno **do 15.11.2023. (srijeda) do 16:00 sati.**

Prijave na Javni poziv sa pratećom dokumentacijom dostavljaju se u zatvorenim kovertama lično ili putem preporučene pošte⁶ u Turističku zajednicu grada Tuzle na adresu:

TURISTIČKA ZAJEDNICA GRADA TUZLE
Ul. Soni trg broj 8, 75000 Tuzla, Bosna i Hercegovina
sa naznakom:

„Prijava na Javni poziv za učešće u manifestaciji „Zima u Tuzli“ 2023/2024“
/NE OTVARATI/

Nepotpune i neblagovremene prijave neće se uzeti u razmatranje.

Sve dodatne informacije o načinu i postupku učešća u ovom Javnom pozivu, mogu se dobiti u Turističkoj zajednici grada Tuzle na broj telefona: 035 257 499 ili slanjem upita na e-mail: info@tztz.ba .

⁶ Prijave koje se dostavljaju putem preporučene pošte moraju na koverti nositi pečat sa danom predaje pošiljke, zaključno sa 15.11.2023. godine.